

H. Lalhruaitluanga

SAWIHAWNNA

Zirna (Education) mumal zawk kalpui duh vang te leh mamawhna hrang vangin sikul te hi din a lo ni tawh thin a, nitina zirna kalpui tur leh hmasawanna thlen tur chuan mamawh hrang hrang a lo awm a, thawktu hrang hrang bakah bungrua leh hmanrua engemaw zat a ngai baw k a, chung atan chuan sum leh pai, pawisa tel lovin hma a lâk hleihtheih loh tiin a sawi theih ang. Sikul sum hnâr hi a inang vek lêm lo va, a tlângpui thuin fee lâkkhâwm aţangin emaw, sawrkarin sum a pêk aţangin emaw a ni deuh ber a, thawhlawm thawhkhâwm te, mimal emaw, pâwl emaw ţanpuina pêkte pawh a awm baw k. Chhiah (tax) lût aţang hian zirnaa hman tur sum eng emaw zat dah a ni thin baw k.

School finance han tih hian zirna kaihnawihna sum hmuhna, hman dân tur ruahmanna leh a taka hman ţangkâinate a huam tel a. Zirtirtu leh zirna lam enkawltu ten naupang zirlaite an hriat a pawimawh ang bawkin sikul sum dinhmun leh a kalphung hi an hriat a pawimawh tawh a ni. School finance hi ţhuang thumin a sawi theih ang a, chung te chu – sum/mamawh hmuhna lam (resource generation), a hman dân tur duanna lam (resource allocation) leh a hman ţangkâina lam (resource utilization) te. Hêng zawng zawngte hi zirna mumal taka kalpui a nih theihna tur leh rah ţha a chhuah theihna tura hmalâkna a ni ti te pawhin a sawi theih baw k ang.

Kan ramah hian zirna hi hautak lo thei ang bera kalpui tum a ni a, zirna a hâutak hian naupang ten sikul kâi emaw, chhonzawm zêlnaah emaw harsatna an tâwk thei thin a, chu chuan ram pum huapa hmasâwnna a tiţhuanawp thei hial a

ni. Elementary (Primary leh Middle sikul) chin tal pheh hi chu naupang sikul kal rual zaah za sikul kaltir tumin nasa takin ram pum huapin hmalâk a ni a, Universalisation of Elementary Education (UEE) tiin khaw tina naupang zawng zawng ten zirna mumal tak an neih a, sikul an kal vek a, zirna chawlhsan emaw, bansan emaw pawh an awm lohna tura hmalâkna lian tham tak a ni a. UEE thlen theihna tur hian kawng hrang hrangin hma lâk a ni a; heng Operation Black Board Scheme (OBS) te, District Primary Education Programme (DPEP) te, Mid-Day Meal (MDM) leh Sarva Shiksha Abhiyan (SSA) te (tunah chuan Samagra Shiksha Abhiyan tiin Rashtriya Madhyamik Shiksha Abhiyan (RMSA) leh Centrally Sponsored Scheme of Teacher Education (CSSTE) te nen chhunkhawm a ni tawh) bâkah pawh hian hmalâkna tam tak a awm a ni.

Universalisation of Elementary Education (UEE) a hlawhtlin theihna turin World Bank (WB) te, United Nations International Children Education Fund (UNICEF) te, United Nations Educational, Scientific and Cultural Organization (UNESCO) te leh Asian Development Bank (ADB) bâkah ram hrang hrang te pawh thawhpui an ni ta zêl a ni.

ZIR CHHUAH TUR (LEARNING OUTCOMES)

He zirlai hian zirchhuahpui a tum tlângpuite ti hian han târlang ila. He zirlai zirtu chuan–

- Zirna hi investment (inkhawlna/inpeipunna) chi khat a ni tih hriain, a tangkâina leh kan rama zirna dinhmun te thlir dân a thiam ang
- Zirna atâna sum hmuhna hrang hrangte a hria ang a, sum hmuhna leh zirna hmasâwnna inlaichinnate a hrethiam ang
- Zirna atâna sum ruahmanna awm dan a hmelhriat ang a, tangkâi zâwka sum hman dân turte a ngaihtuah thei ang

ZIRNA HI INPEIPUNNA (INVESTMENT) CHI KHAT A NI

Indian Education Commission (1966) Kothari Commission an tih bawk chuan zirna hi ‘danglamna thlentu hmanrua’ (instrument of change) tiin a lo sawi tawh a. Tharum thawh lova danglamna lian tham thlen tur chuan ‘Zirna’ tluk hi a awm lo a ni tiin ram puma zirna kalphung (national system of education) neih a t̄ulna a lo sawi tawh a.

National Policy on Education (1986) chuan zirna hi kan tun hun leh nakin hun atana ruahmanna pawimawh bik (unique investment), kawng tinrenga hmasâwnna thlen theitu angin a lo sawi tawh a. Tin, The International Commission on Education for the Twenty First Century (1996) chuan zirna hi ram hmasawna (socio-economic development) atâna pawimawh tak a nihna hi a rawn târlang bawk a.

Investment ang zâwnga zirna pawimawhna hi India ramin five-year plan kan hman tirh ațang tawhin târlan a lo ni tawh a. Five-year plan hmasa ber khân ruahmanna mumal taka ram hmasâwnna thlen tur chuan zirna a pawimawhzia lo tarlang tawhin, a dawt leh Second Plan phei kha chuan uâr lehzualin zirna kalpui dân hian ram thawhchhuah (economic progress) t̄hannaah danglamna thlen thei khawpin tih theih a neihzia a rawn târlang leh a. Chutiang zêlin a hnua five-year plan dangte pawhin ram hmasâwnna atâna zirna paiwmawhna hi an rawn nemnghet chho zêl a ni.

Zirna hi inpeipunna (investment activity) ang zâwnga thlir tur nge a nih a, eiralna (consumption activity) zâwk tih hi mithiam zâwkte inhnial fona pawh a ni âwm e. Eiralna ang zâwnga thlir dân chuan a t̄hanna leh hlâwkna awm thei pawh hi amah bikah tâwp tura ngaih a ni a, chutih rual chuan inpeipunna ang zâwnga thlir dân chuan a thawhchhuah theih zâwnng pawh a pung ngei tur a ni thung ang.

ACTIVITY 1

I ngaih danin zirna hi peipunna nge a nih a, eiralna zawk? I ÷an chhan fiah fel takin han tarlang teh.


Zirna hi peipunna (investment) a ni	Zirna hi eiralna (consumption) a ni

ZIRNA ATANA SUM HMUHNA TE (SOURCES OF EDUCATIONAL FUNDING)

India ramah hi chuan zirna hi sawrkar puihnaa kalpui a ni deuh ber ti ila kan sawi sual awm lo ve, chumi avang chuan zirna kawnga hmasawna pawh hi sawrkarin sum a neih leh neih loh vah a inngat lian viau baw k a ni. Sawrkar inrbawl na pawh state leh central-ah thuneihna inkhaidiat a awm ang tho hian zirna atana hmalakna pawh central atang te, state leh district atangtea kenkawh leh bul tante pawh a awm fo ÷hin.

Zirna atan hian sum hnâr hrang hrang kan ramah hian kan nei a. A hlâwm lian deuhin, ram pawn lam atanga kan hmuh (external sources) leh ram chung atanga kan hmuhah (internal or domestic sources) te han sawi hrang ta ila. Ram pawn lam atanga kan hmuh hi ram chung atanga kan hmuhte nen khâikhin chuan a tam tham teh chiam lova. Ram chung atanga kan hmuh hi sawrkar (public) atang leh mimal (private) atanga hmuhah a ÷hen leh theih a. Sawrkar han tih hian Central, State leh tualchung sawrkar te an ni deuh ber a. Mimal (private) tia kan sawi hian sawrkar ni lo zawng hi a huam tel thei ang, chutah chuan fee lak

ṭhin te bakah mimal leh pawl (NGO etc.) ṭanpuina te, zirlai emaw, nu leh pa ten emaw zirna atâna an senso te pawh a tel thei ang.



EDUCATION CESS

Kan ramah hian chhiah (tax) hi zirna hmasâwnna tura pawimawh tak mai a ni a, chhiah tam ber hi Central sawrkarin a lâk a ni a, chuta ṭang chuan state sawrkarah Finance Commission leh Planning Commission (tunah chuan NITI Aayog) kaltlangin pêk a ni ṭhin a. Ministry of Human Resource Development (MHRD) hian ṭanpuina hi CSS kaltlangin a pe tlângpui a ni. MHRD bâkah hian central ministry dangte pawh hian ṭanpuinate pawh training te, scholarship leh thil dang dang angin an pe ṭhin bawk a ni.

Education cess hi chhiah chikhat zirna tih hmasâwnna tur atâna hman tur liau liaua sawrkarin chhiah a lâk pangngâi bâka a lâk a ni a. Cess ho hi hun bik chhûng emaw, thil eng emaw bik atâna chhiahpui piah lama lâk ṭhin a ni a, cess aṭanga sum hmuhte hi Consolidated Fund of India-ah lut khâwmin chuta ṭang chuan a hmanna tur Ministry-ah pêk chhuah leh ṭhin a ni. Kum 2017-a goods and

service tax (GST) hman a nih khân cess anga chhiah lâk ðhin tam tak chu chhûnfin a ni a, amaherawhchu heng - Primary Education Cess, Secondary Education Cess, Education Cess on Imported Goods, Cess on Crude Petroleum Oil, Road Cess, NCCD on Tobacco and Tobacco Products and Crude Petroleum Oil te hi a hrana lâk chhonzawm a ni a. A tirah chuan Primary education atân hian cess hi 2% lâk ðhin a ni a, 2008 aţang khan secondary leh higher education atân 1% belhin education cess hi 3% lâk a ni leh a, kum 2018-ah Health and Education Cess tiin lâk a ni leh ta a ni. Tuna cess lâk lai mêk hi 4% a chhût a ni.

ACTIVITY 2

Zirna atana sum hmuhna i zir takte aţang khan i zir chhuah tharte han ziak chhuak teh. Heta sawi loh sawilan ve awm i tihte a awm chuan sawi bawk la.

Ka zir chhuah tharte	Sawilan ve awm ka tithe

ZIRNA ATANA SUM RUAHMANNNA (STRUCTURE OF EDUCATIONAL EXPENDITURE)

Zirna hi Central leh State bakah District aţanga enkawl a nih rualin district chin hi chu ram dânpuuin thuneihna a hranpaa pêk a neih chiah loh avângte pawh a ni ang, a sum ruahmanna chungchâng pawh hi Central leh State thawh hona aţanga kalpui a ni deuh zêl a ni. Chutiang bawkin Central sawrkar leh State sawrkar hi zirna atâna senso tumtu bulpui ber te chu an ni.


State leh Central sawrkar hian sawrkar zirna in senso an tum bâkah mimal emaw, khawtlâng din zirna inte ÷anpuina (grant-in-aid) emaw te pawh an pe ÷hin bawk a. A tlângpui ÷uin heng zirna sênsô ÷anpuina ang chi hi Recurring grant (revenue expenditure) leh Non-recurring grant (capital expenditure) angin pêk ÷hin a ni a. Recurring grant han tih hian hlawh (salary) te, inenkawlina (maintenance) senso te a huam deuh ber a, kum tin emaw, hunbi kê dan emaw zêla pêk a ni tlângpui. Non-recurring grant hi chuan bungrua (equipment) leina te, in (building) saknate a huam deuh ber a, hunbi neia ÷anpuina hi pêk nawn a ni ve lo. Achâng chuan ad-hoc grant tiin ÷anpuina hi pêk a ni ve tho va, chûngah chuan a bika hman turin (entir nan, science tihmasâwnna tur ang chite) pêk a ni tlângpui.

Sawrkarin grant-in-aid a pêk te hian sawrkar dân leh hraite an zawm ÷at a ngâi a, zirtirtu tling (qualified teacher) lâk chungchângah te, fee bituk chungchângah te, account vawn chungchâng leh thil dang dangah te pawh sawrkar thu an zawm a ngai a ni. Chubâkah chuan sawrkar lam pawhin endik leh kaihhruai (inspection and supervision) hna an thawk tur a ni a, sawrkar ÷anpuina dawng zirna in chuan hêng hi an ngâi pawimawh tur a ni bawk.

PLAN LEH NON-PLAN EXPENDITURE

India ram education budget hi plan leh non-plan expenditure-ah te ÷hen ÷hin a ni a, plan expenditure hian hmasâwnna tura hnathawh (development) lam entirnân, sikul thar sakna te, sikula zir tur (programme) thar bul ÷anna tur ang chite hi a ni deuh ber a. Planning Commission hi plan expenditure chungchanga thuneihna sâng nei leh enkawltu ber a ni ÷hin a, tunah chuan hei hi National Institution for Transforming India – NITI Aayog in a thlâk tawh a ni. Non-plan expenditure chu in enkawlina sênsô (maintenance) lamah hman a ni deuh ber. Tunah chuan plan leh non-plan expenditure hi siam hran ni tawh lovin, hmun khatah chhûnkhawm

a ni tawh a ni. Finance Commission hi non-plan chungchânga thuneitu sâng leh enkawltu ber a ni.



ACTIVITY 3

Zirna atana sum kan hman dan hi ðha tâwk i ti em? ðha tâwk i tih dan emaw, ðha tâwk lo i tih dan emaw sawi la; ðha zawka hman dan tur atan rawtna i neih chuan sawi baw ang che.

ðha tâwk ka tihna	ðha tâwk lo ka tihna	Rawtna ka neihte

TLANGKAWMNA

India ramın zalêna a hmuh (independence) lâi aţang tawh khân zirnain hma a sâwn theih nân ruahmanna hrang hrang a awm tawh a. Ram pum huapa ruahmanna mumal tak (planning) kalpui a nih hnu pheı kha chuan kawng hrang hrangin zirna hmasâwnna turin nasa takin hmalâk a ni a. National Policy on Education 1968 leh 1986 te kan lo neih tâkah khan zirna hi nasa leh zualin ram hmasâwnna atân kalpui a ni a, zirna hi ram tâna investment pawimawh tak niin ngaih a ni ta zêl a. Mi zawng zawng banphâka zirna hi a awm theih nân hmâ pawh zauh chho zêlin zirna in hrang hrang din belhin, zirtirtu te pawh lâkbelh zêlin zirlai pawh ang pung chho ta zêl a. Sawrkar pawhin zirna hmasâwnna atâna sum a sênte a pung chho zêl bawk a, khawvêl ram hrang hrangte kalkhâwmin zirna kawnga hmasâwnna tur an ngaihtuahnaah te pawh India ram hi tel ve zêlin, ram pawn aţang pawhin ţanpuina te a hmu ve zêl bawk a ni.

Zirna hi khawtlângin kan hlâwkpui leh hmasâwnpui tak ni mahse tinrêng damdawi, harsatna zawng zawng sutkianna hmanrua, vaia kiang duak thei ang kha chu a ni lo tih kan hriat a pawimawh âwm e. Chutih rual chuan retheihna te, hriat lohna te, inhnuai chhiaha te leh harsatna hrang hrang sukıang tura mihringin kan hmanraw neih pawimawh leh ţangkâi tak a ni tih hi kan hriat a ţha âwm e.

Zirna atâna sum hmuhna hi Sawrkar (Public) aţang leh Mimal (Private) aţangin hmuh a ni a. Sawrkar puihna chu central, state leh tualchhûng sawrkar aţanga sum hmuh hi a ni ber a, hmun ţhenkhatah chuan ram dang aţanga ţanpuina hmuh (foreign aid) te pawh hi a sawi tel theih awm e. Hengte hi Centrally Sponsored Schemes (CSS) kaltlangin sem a ni ţhin.

NGAIHTUAH ZUI ATAN

1. Central leh state sawrkar ten zirna sênsô an tum dân hi a ɥa in i hria em?
2. Tuna grant-in-aid hman a nih dân hi a ɥa tâwk em? Hei aia zirna tihhmasâwnna tur hian hman dân a awm thei ang em?
3. UEE hi eng chen nge kan thlen tawh ni a i hriat? Sawrkar sum sênsô tawh ngaihtuah hian ram hian a hlâwkpuin i hria em?
4. Mimal enkawl zirna in te hian sawrkarah chhiah an châwi ve tur a ni em?
5. A thlâwna zirna enkawl hian zirna ɥatna (quality) a thlenin i hria em?

References

Ansari, M. (1999). Financial support to education by industry. National Seminar on Financing Education. New Delhi: National Institute of Educational Planning and Administration.

Azad, J. (1986). Government support for higher education and research. New Delhi: Concept Publications.

Government of India. (1986). National Policy on Education. New Delhi: Department of Education, Ministry of Human Resource Development.

*Hannan Barbhuiya, A. (2010). Economics of Financing Higher Education in Mizoram. Retrieved from [http://shodhganga.inflibnet.ac.in:
http://hdl.handle.net/10603/234308](http://shodhganga.inflibnet.ac.in/http://hdl.handle.net/10603/234308)*

Jennifer King Rice, D. M. (2020). School finance: an overview. In The Economics of Education. Elsevier.

Park, J. (2007). School Finance. Education Week. Retrieved June 22, 2020, from <http://www.edweek.org/ew/issues/school-finance/>

School of Education, IGNOU. (2009 (reprint)). Financing of Education. New Delhi: IGNOU, New Delhi.

Tilak, J. B. (2001). Financing Elementary Education in India. New Delhi: National Institute of Educational Planning and Administration.

Varghese, N. ..., & Tilak, J. B. (1991). The financing of education in India. Paris: International Institute for Educational Planning.